

хатанди энэйпу, кэту-дэ нгэлэпси, дэрэгдулэ-  
пувэ урэктэсэл суэнчи сосхачичи. Ми дои оркила  
очини. Дюлэси ичэдии: тэнг кас би, гогда хурэн  
бичини, тэй хурэн пэгиэлэни-тэни тэнг даи  
чонгдо бичини. Сугдюн моринсал тэнг тэй  
чонгдо барони пукчичи. Ми нгэлэхэмби, морап-  
синкимби: „Энэ-нэ, делэ таосу!“ Нёанчи-тани  
мимбивэ досидясичи, инэктэйчи, енуэлэйчи. Ми  
бурбуриэм мурчихэмби. Пара чонгдо киравани  
исихани. Ичэдии, ми порондоива мо гарани бини.  
Ми мурчии — чихалайвари осини, мэнэ будусу.  
Илихамби, мо гарадоани дяпахамби, уйлэ конда-  
конда дэлкимби. Дэлдидии гэсэ, морапсинкимби:  
„Дяпару!“ Чаду долдии — экэсэл морайчи дилган  
бичин: „Семён мапа! хайва си тайси? Экэсэл,  
экэсэл! Тавава пучиусу, Семён мападу оркин,  
хайва-ну пэбуми морайни.“ Тавава тавогохачи.  
Ми мэпи сагохамби. Ми дёгду бии, увуй кро-  
вать дериндуэни дяпара бэбэкэчии, тэнг элэн-  
гудии мораи. Эй — ми толкичихамби.

